



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti gradonačelnici Grada Sarajeva za potpisivanje ugovora/sporazuma
za odobrene projekte koji se finansiraju iz EU fondova
(Prijedlog)

Predlagač: Gradonačelnica
Obrađivač: Gradska služba za održivi razvoj

Sarajevo, oktobar 2024. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) i člana 90. stav (1) Statuta Grada Sarajeva („Službene novine Kantona Sarajevo“, broj 7/23), a u vezi sa članom 140. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), Gradsko Vijeće Grada Sarajeva, na __. sjednici održanoj dana __. __. 2024. godine, donijelo je:

(Prijedlog)

Odluku

o davanju saglasnosti gradonačelnici Grada Sarajeva za potpisivanje ugovora/sporazuma za odobrene projekte koji se finansiraju iz EU fondova

Član 1.

Ovom odlukom prihvata se implementacija odobrenih projekata koji se finansiraju iz EU fondova, i to: „Commit2Green“ finansiran iz Horizon Europe programa, „BauhausBites“ finansiran iz Horizon Europe programa, „Mission“ finansiran iz EuroMED programa i „CREART“ finansiran iz EIT (European Institute of Innovation and Technology – Europski institut inovacija i tehnologije) Programa.

Član 2.

Implementacija projekata iz člana 1. ove odluke uspostavlja se potpisivanjem Partnerskog sporazuma ili drugih relevantnih dokumenata (ugovora), sa vodećim partnerom na projektu, a u skladu sa donatorskim procedurama i dinamikom projekta.

Član 3.

Ovlašćuje se gradonačelnica Grada Sarajeva da u ime Grada Sarajeva potpiše partnerske sporazume/ugovore, po stupanju na snagu ove odluke.

Član 4.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo, __. __. 2024. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka b) kojima je propisano da Gradsko vijeće donosi odluke, druge propise i opće akte i daje njihovo tumačenje, zatim u članu 90. stav (1) Statuta Grada Sarajeva kojim je propisano da Grad Sarajevo može pristupiti međunarodnim udruženjima lokalnih zajednica i saradivati s odgovarajućim lokalnim jedinicama drugih država, u skladu sa zakonom, te članu 140. Poslovnika Gradskog vijeća Grada Sarajeva kojim gradonačelnica zaključuje ugovore i druge akte kojima se preuzimaju prava i obaveze za Grad, s tim da se za ugovore veće vrijednosti, a što se propisuje odlukom o izvršavanju budžeta Grada Sarajeva i ugovore iz oblasti međunarodne saradanje mora pribaviti saglasnost Gradskog vijeća, a u skladu sa ustavom, zakonom i Statutom.

RAZLOZI DONOŠENJA

Grad Sarajevo kao lider po uspješnosti dobivenih i sprovedenih projekata među jedinicama lokalne samouprave u BiH, vodi razvojnu politiku putem raznih međunarodnih i lokalnih projekata. Kroz finansijska sredstva dobivena iz projekata, komplementiraju se budžetska sredstva te se na taj način stvara pozitivan i produktivan poslovni ambijent i klima, koja je inspirativna i inkluzivna za sve inicijative i ideje građana. Radi se o novom proaktivnom i inovativnom pristupu u radu uprave koji služi kao primjer dobre prakse i drugim jedinicama lokalne samouprave.

Potpisivanjem partnerskog sporazuma/ugovora sa vodećim partnerima na projektima „Commit2Green“, „BauhausBites“, „Mission“ i „CREATR“, Grad Sarajevo započinje implementaciju projekata koji se finansiraju iz EU fondova. Radi se o povlačenju bespovratnih sredstava iz EU fondova, za naučno-istraživačke projekte iz oblasti zaštite okoliša i biodiverziteta te na poboljšanju i unaprjeđenju Grada Sarajeva kod postizanja klimatske neutralnosti i pametnog grada, putem poboljšanja urbane mobilnosti, a što je u skladu sa Strategijom razvoja Grada Sarajeva 2021.-2027. godina i drugim strateškim dokumentima.

U skladu sa načelima rada gradske administracije, a naročito načelima transparentnosti, javnosti, efikasnosti i kolegijalnosti, cilj je omogućiti Gradskom vijeću Grada Sarajeva da odlučuje o svim aktivnostima Grada, od samog začetka. S tim u vezi, zatraženo je donošenje ove odluke Gradskog vijeća.

FINANSIJSKA SREDSTVA

Finansijska sredstva za realizaciju ove odluke u ovoj fazi nisu potrebna.